

“TASDIQLAYMAN”

Davlat aktivlarini boshqarish
agentligi direktori,
Komissiya raisi

_____ A. Ortikov
2023-yil “ 24 ” iyul

**Davlat ishtirokidagi korxonalarning kuzatuv kengashi tarkibiga davlat ulushi
bo‘yicha nomzodlarni tanlab olish komissiyasi yig‘ilishining
01/03-09-3/3-sonli BAYONI**

2023-yil “ 24 ” iyul

Toshkent shahri

Raislik qildi: A. Ortikov — Davaktiv agentligi direktori — Komissiya raisi

Qatnashdilar: A. Miraliyev — Direktor o‘rinbosari — Komissiya a‘zosi
J. Nasirov — Direktorning xorijiy maslahatchisi — Komissiya a‘zosi

T. Nabiyev — Strategik rejalashtirish, metodologiya, tarkibiy bo‘linmalar faoliyatini muvofiqlashtirish va ijro intizomi nazorati yig‘ma axborot-tahlil departamenti boshlig‘i — Komissiya a‘zosi

U. Gaziyeu — Shartnomaviy-huquqiy munosabatlar va da’vo ishlarini yuritish bo‘yicha yuridik boshqarma boshlig‘i — Komissiya a‘zosi

Sh. Sofarov — Davlat ishtirokidagi korxonalarning boshqaruv va nazorat organlarini shakllantirish bo‘limi boshlig‘i — Komissiya kotibi

KUN TARTIBI:

Davaktiv agentligi ishtirokidagi korxonalarning kuzatuv kengashi tarkibiga davlat ulushi bo‘yicha nomzodlarni ko‘rsatish uchun e‘lon qilingan tanlov natijalari va nomzodlarni tanlash to‘g‘risida

(Ortikov, Miraliyev, Nasirov, Nabiyeu, Gaziyeu, Sofarov)

Komissiiyaning 2023-yil 19-apreldagi 01/03-08-1/1-son qarori bilan 2023-yil 20-aprel kuni Davaktiv agentligi ishtirokidagi 61 ta korxonalarning davlat ulushi bo'yicha 306 nafar a'zolik o'rinlariga kuzatuv kengashi tarkibiga nomzodlarni ko'rsatish uchun veb-portal (www.cns.davaktiv.uz) orqali tanlov e'lon qilindi, shundan:

21 ta korxona bo'yicha 105 nafar nomzodlar tanlab olinib, davlat ulushi nomidan kuzatuv kengashi tarkibiga kiritish bo'yicha ko'rsatmalar yuborildi;

40 ta korxonaning 201 nafar a'zolik o'rinlariga yetarlicha nomzodlardan arizalar kelib tushmaganligi sababli tanlov muddati uzaytirildi.

Bugungi kunda, tanlov muddati uzaytirilgan 40 ta korxonadan 24 tasining 125 nafar a'zolik o'rinlariga 360 nafar talabgorlardan tanlash imkoniyati yetarlicha arizalar kelib tushgan.

Biroq, 24 ta korxonaning 125 nafar a'zolik o'rinlariga ariza topshirgan nomzodlarning kasbiy va malakaviy faoliyati tanlov komissiyasi tomonidan o'rganib chiqilganda, 6 ta korxona, ya'ni, "Yoshlar teleradiokanali" AJ, "O'zagroservis" AJ, "Paxtasanoat ilmiy markazi" AJ, "ToshuyjoyLITI" AJ, "O'zsuvloyiha" AJ va "O'zagrosanoatloyiha" MCHJning faoliyat yo'nalishi va xususiyatlari bo'yicha bilim va ko'nikmalarga ega malakali nomzodlar yetarli emasligi ma'lum bo'ldi.

Shunga ko'ra, tanlov komissiyasi tomonidan yuqorida nomi keltirilgan 6 ta korxonaning 26 nafar a'zolik o'rinlariga tanlov muddatini uzaytirish hamda 18 ta korxonaning 99 nafar a'zolik o'rinlariga 281 nafar talabgorlardan malakali nomzodlarni tanlab olish lozim deb topildi.

Kun tartibidagi masala yuzasidan, Komissiya **QAROR QILDI:**

1. Quyidagilar:

"Davlat mulkini boshqarish to'g'risida"gi Qonunining 44-moddasiga ko'ra, davlat ishtirokidagi korxonalarning kuzatuv kengashi a'ziligiga davlat ulushi bo'yicha nomzod tegishincha Davaktiv agentligi, maxsus vakolatli davlat organlari va mahalliy ijro etuvchi hokimiyat organlari tomonidan tuzilgan tanlov komissiyasi tomonidan tanlanishi belgilanganligi;

Nizom talablariga ko'ra, malaka talablariga mos kelmaydigan talabgorlar kuzatuv kengashi a'ziligiga nomzod bo'la olmasligi ko'rsatib o'tilganligi;

Davaktiv agentligi ishtirokidagi korxonalarning kuzatuv kengashi tarkibiga nomzodlarni ko'rsatish uchun veb-portal (www.cns.davaktiv.uz) orqali tanlov e'lon qilinganligi hamda 30 kun davomida keng jamoatchilik OAV va televideniya orqali xabardor qilib borilganligi, jumladan Davaktiv agentligining rasmiy veb-sayti hamda ijtimoiy tarmoqlardagi sahifalari orqali keng yoritib borilganligi;

mazkur tanlovlarda ishtirok etish uchun 40 ta korxonalarning davlat ulushi bo'yicha 201 nafar a'zolik o'rinlariga jami 605 nafar talabgorlardan ariza kelib tushganligi, shundan 139 nafari malaka talablariga mos kelmaganligi sababli rad etilganligi hamda 466 nafari malaka talablariga mos kelganligi sababli nomzod sifatida qabul qilinganligi;

malaka talablariga mos kelgan 466 nafar nomzodlar ichidan:

281 nafar nomzodlar 1-ilovaga muvofiq 18 ta korxonalarning 99 nafar a'zolik o'rinlariga ariza topshirganligi, har bir a'zolik o'rniga kamida 2 nafar nomzod ishtirok etayotganligi sababli tanlab olish imkoniyati mavjudligi va 247 nafar qisqa ro'yxat (short list) 2-ilovaga muvofiq shakllantirilganligi, qisqa ro'yxat (short list) ichidan 25 nafar nomzodlar 3-ilovaga muvofiq muqaddam davlat ulushi bo'yicha korxonalar kuzatuv kengashi tarkibiga taklif etilmaganligi yoki suhbat o'tkazilmaganligini inobatga olib, suhbat jarayoniga jalb etilganligi;

185 nafar nomzodlar 16 ta korxonalarning 76 nafar a'zolik o'rinlariga ariza topshirganligi, biroq har bir a'zolik o'rniga kamida 2 nafar nomzod ishtirok etmayotganligi hamda yuqorida nomi keltirilgan 6 ta korxonalarning 26 nafar a'zolik o'rinlariga ushbu faoliyat yo'nalishi va xususiyatlari bo'yicha bilim va ko'nikmalarga ega malakali nomzodlar yetarli emasligi sababli tanlab olish imkoniyati mavjud emasligi;

“O'rta Osiyo trans” AJ ustav kapitalidagi davlat ulushi sotilganligi ma'lumot uchun qabul qilinsin.

2. Davaktiv agentligi ishtirokidagi 18 ta korxonalarning kuzatuv kengashi tarkibiga davlat ulushi bo'yicha nomzodlarni ko'rsatish uchun baholash ballari, suhbat natijalari va kuzatuv kengashidagi faoliyatidagi tajribasiga ko'ra saralab olingan 99 nafar nomzodlar 4-ilovaga muvofiq g'olib deb topilsin.

3. Davaktiv agentligi ishtirokidagi 21 ta korxonalarning 5a-ilovaga muvofiq 97 nafar a'zolik o'rinlariga tanlov muddati 30 kunga uzaytirilsin. Bunda, “O'rta Osiyo trans” AJ ustav kapitalidagi davlat ulushi sotilganligi munosabati bilan uning kuzatuv

kengashi tarkibiga nomzodlarni tanlab olish bo'yicha shakllantirilgan korxonalar ro'yxatidan chiqarilsin.

4. Davlat ishtirokidagi 3 ta korxonalarning 8 nafar a'zolik o'rinlariga 5b-ilovaga muvofiq tanlov e'lon qilinsin.

5. Davaktiv agentligining Davlat ishtirokidagi korxonalarda korporativ munosabatlarni ta'minlash departamenti (Qurbonaliyev):

uch kun muddatda Davaktiv agentligi ishtirokidagi 18 ta korxonalarning kuzatuv kengashi tarkibiga g'olib deb topilgan 99 nafar nomzodlarni kiritish bo'yicha ko'rsatma xatlari yuborish hamda aksiyador (ta'sischi)larning umumiy yig'ilishida mazkur nomzodlarni davlat ulushi nomidan kuzatuv kengashi tarkibiga kiritish;

o'ttiz kun davomida Axborot va jamoatchilik bilan aloqalar bo'limi bilan birgalikda 21 ta korxonalarning kuzatuv kengashi tarkibidagi a'zolik o'rinlariga tanlov muddati uzaytirilganligi, 3 ta korxonalarning kuzatuv kengashi tarkibidagi 8 nafar a'zolik o'rinlariga qo'shimcha tanlov e'lon qilinganligi to'g'risida keng jamoatchilikni xabardor qilish, shu jumladan Davaktiv agentligining rasmiy veb-sayti hamda ijtimoiy tarmoqlardagi sahifalari orqali keng yoritish choralarini ko'rsin.

6. Tanlovlarda nomzodlardan arizalarni qabul qilish 30 kun davomida amalga oshirilsin hamda arizalarni qabul qilishning boshlanish sanasi e'lon qilingan tanlovlar to'g'risidagi ma'lumotlar maxsus veb-portalga joylashtirilgan sana etib belgilansin.

7. Mazkur bayon ijrosini ta'minlash komissiya kotibi Sh. Sofarov zimmasiga yuklansin.

Komissiya a'zolari:

_____	A. Miraliyev
_____	J. Nasirov
_____	T. Nabiyev
_____	U. Gaziyeu
_____	Sh. Sofarov

